

# Turi d'o ciospu

## Plebiscito – Monfalcone 1 pari

Atto unico in siciliano

di Alfio Bonanno

**Turi d'o ciospu - Ristoratore**

**Cocimu - Garzone**

**Iaffiu Llalla – Ragazzo mammurianu**

**Helfy - Ragazzo monfiano**

**Concy - Ragazza monfiana**

**Concy - Ragazza mammuriana**

**Scena:** Piazza. Chiosco al centro; sullo sfondo il prospetto di un palazzo, a sinistra e a destra si esce dalla piazza o attraverso le quinte, o attraverso degli archi su colonne.

I

**Turi d'o ciospu:** (armeggia con bottiglie e bicchieri) Tom Cruis fici u film Cocchittail? e Turi fa u film Ciosputtail! (fa roteare in aria le bottiglie che

finiscono miseramente a terra, con rumore di vetri rotti, o tenendo una latta sotto il banco del chiosco o facendo cadere le bottiglie in una cassetta imbottita a terra e producendo da fuori il rumore dei vetri rotti) ... mizzica... e menu mali ca non mi visti nuddu! ... autru ca Tom Crùis... ma prima o dopu mi 'mparu, com'è veru ca mi chiamu Turi d'o ciospu!

**Cocimu:** E non mi diciti chiù di purtari caffè a domiciliu picchè sennò sfarfallu!

**Turi d'o ciospu:** (facendo finta di niente) Cocimu a facisti a cunsegna? Cca stava facennu un pocu di pulizia...

**Cocimu:** Si si... u 'ntisi d'o scrusciu ca si sta puliziannu n'otra pocu di buttigghi... ora vo' ghiettu i vitra rutti...

**Turi d'o ciospu:** A vulemu finiri ccu ssa storia ca iù rumpu i buttigghi?

**Cocimu:** ...e non sulu...

**Turi d'o ciospu:** lassa ca m'allenu bonu e u viri comu i fazzu girari i buttigghi!

**Cocimu:** Vabbeni, si... però no frattempu non mi mannassi chiù a purtari caffè 'nto circulu di l'operai picchè se no mi licenziu ppi subito! Chiddi si ca sanu fari girari ... i buttigghi!

**Turi d'o ciospu:** Ma chi fu non ti trattaru bonu?

**Cocimu:** Non mi trattaru bonu? Mi ficiuru stari na pezza! Trasu ch'è caffè e ppi prima cosa accuminciunu a lamintarsi picchè era tardu e sicuramente erunu friddi...

**Turi d'o ciospu:** ...e vabbè su' vicchiareddi e si lamentunu tantu ppi lamintarsi...

**Cocimu:** Aspittassi, s'a facissi cuntari tutta: prima cosa ca si lamintaru senza ca ancora l'avunu assaggiatu... appoi cuminciaru a fari pulemica ppo zzuccuru...

**Turi d'o ciospu:** Ma picchè non ci u purtasti?

**Cocimu:** Comu no? Sulu ca, dici, siccomu su tutti cco diabeti vulevunu u zuccuru chiddu d'a farmacia...

**Turi d'o ciospu:** ...ca costa chiossai d'o caffè...

**Cocimu:** ...appuntu... dopo di chissu ci fu u fattu d'e cucchiari

**Turi d'o ciospu:** Non ci purtasti!

**Cocimu:** C'i purtai, sulu ca vulevunu chiddi 'mpacchittati a unu a unu...

**Turi d'o ciospu:** E non ci l'avemu?

**Cocimu:** Sì, ma siccomu zuccuru non ci ni misuru iù non ci n'hava datu, iddi però ficiuru pulemica picchè dici ca erunu pavati e macari ca ne usaunu i vulevunu, iù tornu no muturinu, ci pigghiu, ci dugnu e iddi a fari pulemica picchè non potturu arriminari u caffè... insomma alla fini, a ura di pavari, si prisintaru tutti cu i carti di centu euru...

**Turi d'o ciospu:** generosi...

**Cocimu:** ...'mbrugghiuazzì! C'a scusa d'e sordi sani e ca iù non ci aveva u restu, dici di signari a cuntù ca poi paunu tuttu 'nta na vota... u capiu chi bella cumpagnia spaccamattuna?

**Turi d'o ciospu:** In buona sostanza, comu dici u proverbiu...

**Cocimu:** ...nuttata persa e figghiu babbu! Chissi sunu caffè ca n'e paunu mancu fra tri anni!

**Turi d'o ciospu:** Comunque, voli diri ca a prossima vota ci dicu ca s'u volunu u caffè s'u venunu a pigghairi cca.

**Cocimu:** Bravu! E pavunu prima di cunsumari...

**Turi d'o ciospu:** ...e già! Se no chissi oltri ca u caffè cunsumunu macari a mia...

**Iaffiu Llalla:** Concy, chi fa t'u pigghi un scioppinu di birra?

**Concy Mammuriana:** Chi vivu birra cca panza leggìa?

**Iaffiu Llalla:** Comu a panza leggìa? Si stamu vinennu ora ora d'a quadara?

**Concy Mammuriana:** E chi è mangiari chiddu? Mancu na vaschetta di quarumi, ca appoi l'ultimu pezzu c'u offrii a Simonuccia a vita mia...

**Iaffiu Llalla:** Però macari tu a darici u megghiu pezzu di quarumi a to cucina...

**Concy Mammuriana:** ...ma chidda è a vita mia!

**Iaffiu Llalla:** ...sì però iavi du annuzzi...

**Concy Mammuriana:** E chi voli diri? Non mangiunu macari i picciriddi?

**Iaffiu Llalla:** Chissacciu? Essennu na picciridda avissa mangiari cosi di picciriddi...

**Concy Mammuriana:** E difatti a quarumi ci a desi no menzu di du viscotta al plasmon...

**Iaffiu Llalla:** Mammoriri maomà! Iù di picciridi non ni capisciu nenti!

**Concy Mammuriana:** E' picchè si masculu, chi n'ha capiri tu? Allura chi mi offri?

**Iaffiu Llalla:** Mammoriri maomà! Iù macari non ti capisciu... Ti dissi sì voi na birra e mi dicisti no... ora voi na cosa... non mi fari cunfunniri!

**Concy Mammuriana:** Mammoriri maomà! Mancu u sacciu picchè mi misi cu ttia... dammi na cocco cola, va' accussì arruttu...

**Iaffiu Llalla:** Zu Turi na cocco cola ppi Concy e menza birra ppi mia...

**Turi d'o ciospu:** E menu mali ca v'addicidistuvu... Cocimu pigghia a birra... signorina a coca cola a voli c'u limoni?

**Concy Mammuriana:** E chi ci passi ca mi doli u stomucu? Ma talia a chistu va'... Iaffiu... ma non ci n'erunu autri ciospi?

**Iaffiu Llalla:** Ma comu? U ciospu d'u zu Turi, mammoriri maomà, è u megghiu di tuttu u quarteri!

**Concy Mammuriana:** Mah... chi sacciu ... u limoni ...

**Cocimu:** Zu Turi allura a chiddu d'a birra mancu ci u dumannu si voli sali e limoni...

**Turi d'o ciospu:** Lassa perdiri... accaluoti appoi ci pari ca u stamu pigghiannu ppi fissa... anzi daccilla direttamenti 'nta buttigghia e non ci livari mancu u pruvulazzu camasennò ci cangia u sapuri e non ci piaci...

**Iaffiu Llalla:** Concy, ma picchè andura dicisti ca non sai picchè ti mittisti ccu mia?

**Concy Mammuriana:** Iaffiu: na carusa comu a mia n'o capisci ca voli un principi azzurru? Tu certi voti no o principi... m'assumigghi a Gargamella... chiddu d'e buffi...

**Iaffiu Llalla:** Avaia, Concy... chi fa t'u scurdasti quannu ni canuscemu? Chi sirata romantica! Erumu o lungomari di ognina...

**Concy Mammuriana:** ...davanti o camiu d'e panini...

**Iaffiu Llalla:** ...iù era cca me cumpagnìa, n'auma pigghiatu un bellu paninu cco vustel, a porchetta, u pumaroru, l'ovu fritto e i patatini, cekap e maionesi...

**Concy Mammuriana:** ...ti scuddasti i cipuddi c'acitu e a 'nsalata russa...

**Iaffiu Llalla:** ...e chi voi? Era talmenti 'mprissunatu di tia ca mancu u visti chi ci misi 'nto paninu...

**Concy Mammuriana:** u pipi spezzi...

**Iaffiu Llalla:** ...chi dici?

**Concy Mammuriana:** ...ca ci mittisti macari u pipispezzi... comunque iù macari ti taliava, era ch'e me cumpagni, Concy, Concy, e Concy...

**Iaffiu Llalla:** Ma vi chiamauvu tutti Concy?

**Concy Mammuriana:** Chi centra? E' un dimintivu... erumu iù Cuncetta e quindi Concy, Giusippina tri oru tri oru ca u ti di oru n'a tombula ch'e carti ciciliani si chiama peri c'on ci apperica 'nto mari autu diminutivo ... periconci.. e quindi Concy, appoi c'era Valentina chidda rossa ca cci diciunu Baconci... e quindi Concy, e l'ultima era Luana, chidda ca pigghia sempri cuntraminzioni...

**Iaffiu Llalla:** ...e chi centra Concy allura?

**Concy Mammuriana:** ...centra! Picchi pigghiannu sempri cuntraminzioni u vaddia ci diceva sempri:Concilia? E ci arristau u pecchiru "Concilia" ...e quindi...

**Iaffiu Llalla:** ...Concy...

**Concy Mammuriana:** Chi voi vita mia?

**Iaffiu Llalla:** ...no dicu a chiamauvu Concy macari a idda...

**Concy Mammuriana:** ..m'ava passu ca mi stavi dicennu qualche cosa di duci duci...

**Iaffiu Llalla:** E chi ci voli? Pi chissu ha mancari? ...na cosa duci... dunqui... a bioscia!

**Concy Mammuriana:** Avah... Iaffiu... chiù duci!

**Iaffiu Llalla:** ...a bioscia cco zuccuru... comu cci vaiu?

**Concy Mammuriana:** Lassa perdiri ca non è cosa to... u vidi ca haiu ragioni ca u principi azzurru ancora non l'haia attruvatu?

**Iaffiu Llalla:** A chi va ciccannu u principi azzurru? Un pagghiazzu cco pigiama e ch'è capiddi longhi... talia a mia ... iù sugnu u to principi

azzurru... amuninni va' ca ti pottu a passiaru a via Etnea e si mi dici a testa stasira ni nni iemu macari a bballari...

**Concy Mammuriana:** Si amuninni... però s'hama ghiri a bballari m'haia mettiri daccordu ccu Concy...

**Iaffiu Llalla:** E picchi? N'hama puttari macari a idda?

**Concy Mammuriana:** Chi centra? E' ppi quantu ci dicu a me patri ca dommu ni Concy e si iddu talefuna idda ci dici ca sugnu o bagnu o staiu dummennu... se no comu ci vegnu a bballari?

**Iaffiu Llalla:** Ragiuni hai... amuninni

**Turi d'o ciospu:** Scusatimi... nenti vi stati scuddannu?

**Iaffiu Llalla:** Mi pari di no... Concy tu vidi si ti scuddasti a borsetta o solitu to...

**Concy Mammuriana:** Ca quannu mai? Cca ci l'haiu... Amuninni va' t'u dissu ca stu ciospu non mi piaci...

**Iaffiu Llalla:** Salutamu...

**Turi d'o ciospu:** Senti o figghiu, va beni salutamu... ma "pavamu"... no?

**Iaffiu Llalla:** Bih... m'u stava scuddannu...

**Turi d'o ciospu:** ...sunu tri euro...

**Iaffiu Llalla:** aspetta ca videmu... (controlla le tasche e non trova niente) Mizzica... ci haiu sulu soddi sani...

**Cocimu:** Chissu hava aviri parenti o circulu... sicuru...

**Turi d'o ciospu:** E non ti preoccupari ca i scanciamu...

**Concy Mammuriana:** Mi chi sta facennu ppi tri euro... tinissa ddocu (li sbatte sul bancone)

**Iaffiu Llalla:** (riprenendo le monete e restituendole a Concy) Chi centra? Si ti dissu ca offru iù... (continua a cercare senza trovare)

**Concy Mammuriana:** (risbatte i soldi sul bancone) Ti dissu amuninni

**Iaffiu Llalla:** (riparte per riprendere le monete)

**Turi d'o ciospu:** (anticipa Iaffiu e intasca le monete) Sintiti, vuatri aviti na vita davanti ppi discurriravilla... iù intantu m'i pavu a cunsumazioni, vuatri spurugghiativilla...

**Concy Mammuriana:** Amuninni Iaffiu... (mentre si gira) ,...mottu di fami...

**Iaffiu Llalla:** (mentre si gira) ...chi genti pirucchiosa ca ci su...

### III

**Cocimu:** Zu Turi, iù nesciu e i pigghiu a pirati a tutti e dui...

**Turi d'o ciospu:** Lassici perdiri... dici u proverbii: a lavarici a testa o sceccu si cci perdi tempu, acqua e sapuni...

**Cocimu:** Ma du carusi accussì... ca a gnuranza si ci po scurciari cco cuteddu...

**Turi d'o ciospu:** E chi ci voi fari? U munnu è bellu picchi è variu ... talia a sti dui ca stanu arrivannu u vidi invece chi su fini?

**Helphy:** (sia Helphy che Concy monfiana parlano con le vocali aperte e la cadenza annoiata dei figli di papà) Vieni Concy... prendiamoci una cosa...

**Concy Monfiana:** Antico... ma dove mi hai portata? Non ti piacevano i bar di via Monfy?

**Helphy:** Ma non sei stanca sempre delle solite facce, delle solite cose? Qua sulla via Plebiscito c'è più senso di avventura, di rischio... mi faccio un pieno di l'adrenalina...

**Cocimu:** ...m'ha scusari... ma di ssa cosa ca dissa lei non n'avemu...

**Helphy:** Hai visto Concy? Quant'è simpatico questo zotico?

**Concy Monfiana:** Si si! Hai ragione... sembra un mao mao...

**Cocimu:** Zzu Turi ma chi stanu parrannui ppi mia? Ora nesciu e i pigghiu a pirati a tutti e dui...

**Turi d'o ciospu:** Ma comu si ca perdi subito a pacenzia? Su ddu poviri fighi di papà... chi vo fari? Muzzanteddi crisciunu intra l'appartamenti comu i polli d'allevamentu e poi quannu nesciunu sunu spaisati...

**Concy Monfiana:** Ma Helphy... ci possiamo fidare della pulizia di qui?

**Cocimu:** Ma chi centra a pulizia? Chi v'arrubbaru u pattafogghiu?

**Helphy:** Lo senti? Lo senti? Ma che simpaticone...

**Concy Monfiana:** Si nella sua ignoranza alla fine ha qualcosa di tenero...

**Cocimu:** Teneru? E chi ci passi na fedda di carni di vitiddina?

**Concy Monfiana:** Ma senti, Helphy... visto che mi hai portata qui, perchè non facciamo qualcosa di trasgressivo?

**Helphy:** Tipo?

**Concy Monfiana:** Di sicuro qua sono tutti spacciatori... compriamo un po di fumo...

**Helphy:** Hai ragione! E siccome sabato al compleanno ancora non abbiamo pensato a un regalino, gli facciamo un pacchettino a ogni invitato...

**Concy Monfiana:** Forte! Vai ... vai...

**Helphy:** (chiama cofidenzialmente Cosimo) 'Mbare... per avere un po di fumo che bisogna fare?

**Cocimu:** (lo guarda interdetto, guarda Turi che se la ride e poi esce da sotto il banco un mazzo di chiavi di motorino) Vadda chi fai o frati... ddocu arrieri c'è u me muturinu...

**Helphy:** ...apro il bauletto e prendo tutto il fumo che voglio?

**Cocimu:** Ca quali? Vai 'nto me muturinu, u metti a motu... e t'allippi 'nta marmitta: ha vogghia a fumu... scarburatu ppi comu è...

**Helphy:** Ma...?

**Cocimu:** Ma ppi ccu ni scanciasti, sciamunitu? Zu Turi pozzu nesciri e u pigghiu a cauci?

**Turi d'o ciospu:** Ti dissi di non ci dari cuntutu, lassa fari a mia. Carosi, che vi prendete? Una vippita o qualche cosa di arrusicare?

**Concy Monfiana:** Helphy hai ragione, qui è meglio di fare una gita in Sud America... c'è ancora gente allo stato primitivo!

**Turi d'o ciospu:** Mi scosassi signurina, ma a vuliti qualche cosa o vi pari ca semu o zoo?

**Cocimu:** T'u dissi ca a chissi ddocu ci passimu i scimmii d'a villa...

**Concy Monfiana:** Ce l'avete il kebab?

**Cocimu:** Chi è ssu cosu?

**Helphy:** Ci faccia due paninazzi...

**Cocimu:** Ma comu parrunu chisti?

**Turi d'o ciospu:** Di ssi cosi ca dicitu vuatri semu momentaneamente sprovvisti... non lo so qualche altra cosa? Da bere per esempiu?

**Concy Monfiana:** Me lo fa un Bloody Mary?

**Cocimu:** U brodu di mari? E chi semu a Trizza?

**Helphy:** Due Margarita?

**Cocimu:** 'Nto ciuraru! Ma cosi normali non ni pigghiati vuatri?

**Turi d'o ciospu:** Insomma vinistuvu 'nto ciospu hata addumannari cosi di ciospu, no?

**Helphy:** Faccia lei, ci dia qualcosa di tipico di questi posti pittoreschi...

**Turi d'o ciospu:** Fazzu iù? E va beni!

**Concy Monfiana:** Helphy: com'è eccitante stare qui... era da tempo che non mi facevi vivere una avventura così!

**Helphy:** E dire che siamo insieme da un sacco di tempo... saranno almeno... quanto? Due... due e mezzo...?

**Concy Monfiana:** Tre! Sono tre giorni precisi che siamo insieme... ti ricordi quando ci siamo conosciuti?

**Helphy:** E come me lo posso dimenticare... mi sembra l'altro ieri! Eravamo davanti al banco bar del ristorante Parco dei Re Borboni... quello carinissimo, che fanno il pane cunzato imitazione putia, a venticinque euro alla fetta...

**Concy Monfiana:** Già; tu eri con i tuoi amici e facevi finta che non mi vedevi ma si capiva che ti piacevo, noi le capiamo queste cose... si vedeva da come sbagliavi a dare i soldi al barista stavi offrendo tu e invece di settantacinque euro ne hai tirati fuori settecentocinquanta...

**Helphy:** Già... tu eri la più bella della compagnia, tra le tue amiche ti vedevi solo tu...

**Turi d'o ciospu:** Ecco qua: tamarindo c'o bicarbonatu ppo signurinu e sciapagninu ppa signurina... addubbamuni...

**Cocimu:** ...'nto cannarozzu fausu!

**Turi d'o ciospu:** Cocimu!

**Cocimu:** Non ci pozzu fari nenti: mi fanu malusangu!

**Concy Monfiana:** Mi sembra che siano passati pochi giorni... eravamo io, Vale, Stefy, Rosy e Giuny...

**Helphy:** una bella compagnia... tutti nomi trendy...

**Concy Monfiana:** Vabbè... tutti diminutivi vezzeggiativi... Io sono Concy perchè mi chiamo Concetta... ma è un nome vecchio... Vale la chiamiamo così perchè porta sempre un sacco di gioielli addosso, per dire: Vale assai... ma in realtà si chiama Concetta, nome vecchio! Stefy la chiamiamo così perchè è nata la notte di Santo Stefano... ma in realtà si chiama Concetta, nome vecchio! Rosy è perchè gli piace mangiare e rosica sempre... ma di fatto si chiama Concetta, nome vecchio! E Giuny la chiamiamo così perchè ha i labbroni grossi: un fungioni va'... ma poi si chiama Concetta... nome vecchio!

**Cocimu:** Scusimi: ma tutti Cuncetta vi chiamati?

**Concy Monfiana:** Ma tu che vuoi? Antico! Le mie amiche sono le mie sorelline ine ine ine... e guai a chi le tocca!

**Cocimu:** E cu parra?

**Concy Monfiana:** Helphy! E non gli dici niente a questo?

**Helphy:** Sì. Ora gli dico qualche cosa: (chiede a Cocimu di avvicinarsi facendo segno col dito e parla confidenzialmente con lui) Quanto debbo?

**Cocimu:** Tri euru... m'hava parsu ca avevi qualche cosa di diri!

**Helphy:** Dire? E che dovrei dire? (poi ad alta voce per farsi sentire): A chi sacciu? Concy, qui bisogna sapersi fare rispettare....

#### IV

**Iaffiu Llalla:** (a concy mammuriana che lo segue) Concy!

**Concy Monfiana:** Sì? Che fa ci conosciamo?

**Concy Mammuriana:** Senti, sciollira: lassa stari a Iaffiu se no ti straformu a facci a ghiangati!

**Concy Monfiana:** Helphy, ma la senti? Dille qualche cosa! Se no (freme) la graffio tutta!

**Iaffiu Llalla:** Ah... ah... ah... non sbagghiamu a parrari ca a Concy non si tocca!

**Concy Mammuriana:** (a sfottare) Matri! Staiu ttrimannu tutta!

**Helphy:** Senti zoticone vedi che a Concy ci basto io, va bene?

**Iaffiu Llalla:** Ora ci abbiu na sputazzata ca ci 'ntuppu n'occhiu... polletto: occhiu a comu parramu!

**Concy Mammuriana:** E non niscemu d'o siminatu ca cca di Concy ci n'è una e Iaffiu m'abbasta e m'avanza!

**Concy Monfiana:** (intuendo) Oh! Che disguido!

**Concy Mammuriana:** Attia, accura ch'è mali paroli ca se no a casa ti ci arricogghi 'nta quattru voti!

**Iaffiu Llalla:** Brava Concy! Accussi si parra! Talè a sti figghi 'i papà... mi fanu un malusangu...

**Helphy:** Ma allora devo per forza usare la violenza!

**Iaffiu Llalla:** A violenza? Tu? Ma unni ha ghiri cu ssi peri chini di caddi?

**Concy Monfiana:** Ma vi dico che c'è stato un disguido!

**Concy Mammuriana:** E ci tonna ch'è mali paroli...!

**Helphy:** Ignorante: disguido vuol dire incomprendione, qui pro quo... ma comprati lo Zingarelli!

**Concy Mammuriana:** Auh! Zingarelli a nuatri non n'u dici va beni? Stu mortu di fami! Ma tu u sai cu su i cristiani?

**Helphy:** Non sparei... quelli che la domenica vanno a messa?

**Iaffiu Llalla:** E fa macari i battuti... dici Concy...

**Helphy:** Veramente Concy non ha detto niente...

**Concy Monfiana:** Ma è mezz'ora che cerco di dirvelo... Concy siamo due... ci chiamiamo tutte e due Concy... Capito?

**Iaffiu Llalla:** Veru è Concy?

**Concy Mammuriana:** Iù pozzu parrari ppi mia...

**Helphy:** E' vero Concy?

**Concy Monfiana:** Ma si non l'avete capito? Sia io che lei ci chiamiamo Concy... tutto qui...

**Concy Mammuriana:** Allora non c'è bisognu ca ni sciarriamu?

**Helphy:** Certo che no...

**Iaffiu Llalla:** Piccatu... a me aoggi mi mangiaunu i manu...

**Concy Mammuriana:** A proposito di mangiari, non hauma vinutu ppi mangiarini qualche cosa?

**Iaffiu Llalla:** Ca si sti dui non si mittevunu nto menzu...

**Helphy:** Anche noi eravamo venuti per mangiare... ma non hanno Kebab... non hanno paninazzi...

**Iaffiu Llalla:** Si però non tonn'a accuminciamu ch'è mali paroli...

**Concy Monfiana:** Dice Helphy...

**Concy Mammuriana:** Comu si chiama u to zitu? Effi? Iavi un nomu cu na lettira sula... e so patri comu si chiama... Ggi oppuri Elli?

**Helphy:** Helphy, non per essere puntiglioso, è un diminutivo di Alfio...

**Concy Monfiana:** ...che è un nome vecchio...

**Concy Mammuriana:** Picchè chi ci avissa a diri a Iaffiu?

**Concy Monfiana:** E che fa ricominciamo? E poi saranno o no fatti nostri?

**Iaffiu Llalla:** No su macari fatti nostri, iù mi chiamu Affiu!

**Helphy:** Ma che coincidenza! Ci chiamiamo anche noi uguali...

**Iaffiu Llalla:** Avanti ora non facemu troppu puppetti...

**Concy Mammuriana:** Però chi cosa streusa: Iaffiu e Concy, Iaffiu e Concy...

**Helphy:** Helphy... prego...

**Iaffiu Llalla:** Effy effy va beni... comunque ora ca ni spiegamu chi vulemu fari? Concy... a mè, ni l'hama pigghiari ssa cosa?

**Concy Mammuriana:** Certu. Però non essiri accusi zzaurdu ccu ssi carusi... in funnu in funnu non sunu mali mali...

**Helphy:** Grazie. Anche tu in fondo sei simpatica...

**Iaffiu Llalla:** Iù haiu a 'mprissioni ca ci su petri 'nta linticchia...

**Concy Monfiana:** E che vuol dire? Hai visto, Helphy che espressioni colorite... simpatico questo Alfio... rude ma simpatico

**Iaffiu Llalla:** Petri 'nta linticchia... va... comu si po' diri? Fetu d'abbruciatu...

**Helphy:** Ci capisco ancora meno...

**Concy Mammuriana:** No, Helphy u sai chi voli diri...ca havi l'impressioni ca c'è qualche cosa ca non va... ma non ti fari 'mprissinuari è ca Iaffiu è un pocu gilusu di mia...

**Concy Monfiana:** Che bello! Helphy... tu non sei geloso di me... non mi fai sentire preziosa... (a Concy Mammuriana) Sei fortunata tu ad avere Alfio per fidanzato...

**Iaffiu Llalla:** ...modestamenti a parti, iù ppi gilusia fussi capaci di mangiarici u ficutu, a cu mi tocca a Concy!

**Concy Mammuriana:** Vadda Concy... punti di vista... secunnu me si futtunata tu ca hai a Effy ca è 'ncarusu dilicatu e sensibbili...

**Helphy:** ...almeno qualcuno si accorge delle mie qualità...

**Iaffiu Llalla:** E iù tonnu arreblicu ca l'aria non è netta...

**Concy Monfiana:** Alfio, perchè non gli insegni a Helphy a essere un poco come te?

**Helphy:** Ma Concy... che dici? Te l'immagini se io fossi come lui?

**Concy Monfiana:** (sospirando) E certo che me lo immagino...

**Iaffiu Llalla:** Ma picchè chi ci vulissi diri? Non sugnu bonu?

**Helphy:** Per carità... solo che ... vedi... siamo di due mondi diversi... per esempio... quando io telefono a Concy la chiamo cuccy cuccy... tu invece?

**Iaffiu Llalla:** ...putra!

**Concy Monfiana:** Che romantico!

**Concy Mammuriana:** ...'nsumma...

**Helphy:** Quando siamo in compagnia la chiamo amoruccio...

**Iaffiu Llalla:** ...iù anveci: attia fimmina...

**Concy Monfiana:** Macho!

**Concy Mammuriana:** ...zzaurdu...



**Helphy:** E quando la vado a prendere mi faccio prestare la macchina da mio padre, quella nuova con l'aria condizionata e i sedili in pelle...

**Iaffiu Llalla:** Iù ci vaiu cu l'Esse Acca 300, cu me frati Micheli 'nto menzu e tutti e tri senza cascu... e cacciamu!!!

**Concy Monfiana:** Avventuroso!

**Concy Mammuriana:** ...'nsumma assittata supra u parafangu...

**Helphy:** Quando sono sotto casa le mando un sms con un cuoricino disegnato e lei sa che sono sotto ad aspettarla

**Iaffiu Llalla:** Iù ssi soddi di l'sms non ci spennu picchè accuminciu a sunari u campanellu d'o muturinu a pattiri d'a via Plebiscitu fina a sutta a so casa e già idda sapi ca sugnu dda sutta...

**Concy Mammuriana:** ...si e u sapi macari tutu u quarteri!

**Concy Monfiana:** spettacolare!

**Helphy:** Per San Valentino porterò Concy al ristorante e gli regalerò una rosa e prima di tornare a casa un anellino di brillanti...

**Iaffiu Llalla:** Nuatri ppi San Valentinu ni lassamu accussi arrisparmiamu i soddi d'e riali e poi ni facemu ziti tri ghiorna dopu...

**Concy Monfiana:** Originale!

**Concy Mammuriana:** ...picchiu...

**Helphy:** Il sabato sera a Concy la porto prima al ristorante e poi in discoteca a Taormina, siccome siamo stanchi prendiamo un taxi e la riaccompagno a casa.

**Iaffiu Llalla:** Nuatri o sabutu ni pigghiamu un paninu a stazioni, iemu a discoteca, n'acchiappamu cco buttafuori ca non ni fa trasiri e facemu succediri u finimunnu, appoi, quannu i vaddia ni lassunu iri, ni pigghiamu n'altu paninu e giostri e a Concy a pottu a casa ca a

matina addoppu m'haia susiri prestu ca ahia puttari u cavaddu a curriri o viali dell'amori...

**Concy Monfiana:** Col cavallo nel viale dell'amore: che romanticismo...

**Concy Mammuriana:** ... eppoi s'appresenta a manzionnu sudatu, chinu di pruvulazzu e ca fa fetu di stadda...

**Concy Monfiana:** Helphy... ti devo dire una cosa...

**Concy Mammuriana:** Iaffiu, veni cca di latu ca t'haia a parrari...

**Concy Monfiana:** Ti devo dire che sto sentendo il desiderio di fare nuove esperienze...

**Helphy:** Tipo pausa di riflessione?

**Concy Mammuriana:** Havi un periudu ca mi sentu stritta stritta...

**Iaffiu Llalla:** ...e accattiti i robbi chiù lagghi... sarà ca ha 'ngrassatu...

**Concy Monfiana:** Esatto... se ci prendessimo una pausa di riflessione cosa ne pensi?

**Helphy:** Beh... potrebbe fare bene al nostro rapporto...

**Concy Mammuriana:** Vulissi canusciri... vidiri autri cosi...

**Iaffiu Llalla:** E picchi non ti fai l'ucchiali? Capaci ca ti mancunu i gradi...

**Concy Mammuriana:** ...taliari cchiù luntanu...

**Iaffiu Llalla:** ... chi sacciu... t'accattu un cannucciali...

**Concy Monfiana:** Allora è deciso. Magari per tornare a casa chiedo un passaggio a Alfio...

**Helphy:** Ma è impegnato con la sua Concy...

**Concy Monfiana:** Se il mio intuito non mi inganna... a Concy la devi accompagnare tu ...

**Helphy:** Ma che dici?

**Concy Monfiana:** Fidati...

**Concy Mammuriana:** Iaffiu... t'ù dicu chiù chiaru: iù vogghiu ca ni lassamu!

**Iaffiu Llalla:** Accussi? A 'ntrasatta?

**Concy Mammuriana:** Mi sentu chiusa 'nta na iaggia...

**Iaffiu Llalla:** A chi eri na cardidda? Senti... non facemu ca canuscisti a quacchedunu autru?

**Concy Mammuriana:** No... chi dici? Ma comu ti veni 'nta testa? Sulu ca haiu bisognu di aria, di tempu ppi mia...

**Iaffiu Llalla:** Boh? E cu ti capisci? Ma viri ca si c'è quacchedunu autru e tu m'a fattu i conna addventu na bestia!

**Concy Mammuriana:** Ti dissi stai tranquillu, però lassamini!

**Iaffiu Llalla:** Ti vo lassu a casa...

**Concy Mammuriana:** Veramenti hava pinsatu...

**Concy Monfiana:** Alfio... scusa ... potresti acocompagnarmi a casa?

**Iaffiu Llalla:** ..ma veramenti...

**Concy Monfiana:** Siccome con Helphy ci siamo presi una pausa... che fa mi potresti riaccompagnare tu?

**Iaffiu Llalla:** ...e ma Concy...

**Concy Mammuriana:** ..e casumai a me m'accumpagna Effy... chi dici Effy mi poi accumpagnari?

**Helphy:** ...ma per me a disposizione ma...

**Iaffiu Llalla:** Senti Effy non fari u priziusu... non sulu ca lassasti a to zzita ora macari vulissi lassari chidda me a pedi? Avanti dacci ssu passaggiu e m'arraccumanu...!

**Helphy:** Se me lo chiedi tu... Concy... prego di qua... (escono)

**Concy Monfiana:** E tu il motorino dove ce l'hai?

**Iaffiu Llalla:** a dda mmeri...

**Concy Monfiana:** e allora dai... accompagnami...

**Iaffiu Llalla:** E amuninni... ma talia chi finiu bedda aoggi...! (escono, nel frattempo osserva Concy) mah... forse forse n'o canciu ci varagnai...

V

**Turi d'o ciospu:** Mi n'haia vistu cinema... ma comu a chissu mai!

**Cocimu:** Ma n'o capii... arrivaru accoppiati e si ni eru scuppiati?

**Turi d'o ciospu:** Chissi scuppiati c'erunu di prima... scuppiati 'nto ciriveddu!

**Cocimu:** E lei ca mi diceva ca i figghi 'i papà erunu megghiu di chiddi d'o quarteri...

**Turi d'o ciospu:** Ddocu hai ragiuni tu: su tutti na fatta! Iù m'avissa iucato zoccu è ghiè ca ca i carusi di quarteri erunu chiù sani di l'autri ma mi passi ca alla fini s'assumigghiunu assai...

**Cocimu:** D'autri polletti... N'o sanu mancu iddi chi è ca volunu... mi ciccava u fumu... trocati! I margheriti, u brodu di mari ma di unni venunu?

**Turi d'o ciospu:** Chiddu chi ciccava? I paninazzi?

**Cocimu:** Boh? Ca sarà ca 'nta via Monfalconi u pani s'u mangiunu di n'otra maniera...

**Turi d'o ciospu:** Si... s'u mangiunu d'o cozzu... Ca su ssi carusi di oggi ca arrisuttaru difittusi d'a fabbrica...

**Cocimu:** D'otra chi vuleva? U Kebabb... e chi fussi s'otra nuvità?

**Turi d'o ciospu:** Ca di comu u dissuru sarà ocche cosa di mangiari...

**Cocimu:** Kebabb... ma c'ha fari ... kebabb...

**Turi d'o ciospu:** Comunque a propositu di Kebabb na cosa a sacciu e sugnu sicuru...

**Cocimu:** Ah si? E chi è?

**Turi d'o ciospu:** Ca ch'e babbi è megghiu non ci aviri a chi fari!

**FINE**